

龜甲獸骨文字

敘

欲究邃古之文明則方策未必可得而徵於是乎金石器物之類凡可以窺其情狀者皆莫不供資料況於錄文字者乎是輓近學者所最用心而東西一其軌者也禹域金石文字之學北宋旣開其端至前清益極其盛地不愛寶鐘鼎彝器之出迴踰乎前代光緒二十五年河北安陽縣洹水之南始出龜甲獸骨片片奇古且有文字別放一異彩矣竊嘗論之洹水之南卽所謂殷虛據真本竹書紀年則盤庚以來二百餘年所都宜矣奇品之薶藏如此其多也所刻文字變化百出不可端倪與金文及說文或合或離象形假借尤多雖未能盡曉通自有條理秩然不可紊者其文大抵卜占之辭殷



商帝王之名十存八九爲當時史官所掌殆無疑議嗚呼有

周以前文獻闕如鐘鼎彝器亦不甚多而今獲此一科可不

謂至幸哉抑此物也不唯張杜楊許所未見卽阮

元徐柏同陳祺介

潘

祖蔭

三吳

榮光式芬大澂

諸儒皆所未嘗夢想也而出土以來十有九

年致思於斯者誠寥寥矣劉氏鐵雲嚮印鐵雲藏龜孫氏仲

容據之作契文學例名原二書猶屬椎輪獨羅氏叔言著殷

商貞卜文字考又印殷虛書契前後編及書契菁華藏龜之

餘且爲書契考釋及待問編亦頗勤矣然殷虛出土之龜甲

獸骨不知其幾萬異文逸辭劉氏羅氏所未收者亦復不尠

我商周遺文會有慨於此據諸家所藏實物拓本編印龜甲

獸骨文字且抄釋其字體明白無疑者附錄卷末頌之同好

庶幾足以助學術研究之一端乎

編中所載與殷虛契同者係所聽冰閣所藏實物拓本非襲殷虛書契所錄也

若

夫攷釋全文則會員相共研摩討究將俟他日問之於世大
正六年十二月文學博士林泰輔書於摧古齋南窗

龜甲獸骨文字卷一

























